



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs CXIII. In exitu Israel de Aegypto, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Intuens terrestria,
Non relinquit pauperē,
Hunc leuans expulvere,
Atq; tollens stercore,
Hunc ut inter principes
Gentis collocet sua.
Hic carentem liberis
Incolam facit domus,
Prole fætā plurima,
Sic repleta gaudiis
Mater ut sit blandula.
Laus Jehouæ sit Deo,
Omnium mitissimo.*

PSALMVS CXIIII.

In exitu Israel de Aegypto, &c.

Magnus ut Isacides Ægyptiæ regna reliquit,
Tuq; Jacobe potens, barbaricum populum.
Tum Deus eximium sibi conseruauit Iudam,
Et protectorem se dedit Isacide.
Hoc ubi uidisset, fugit maris unda retrorsum,
Iordanis & resfluo flumine terga dedit.

Montes subsiliere, mares omium ut petulantes,
Agnorum colles exiliere modo.
Qua tibi causa fuga, mare, cur tua terga dedisti?
Qua tibi causa metus, Iordani, tanta fuit?
Quidnam vos mouit, montes, ad subsiliendum?
Collibus ad saltum qua noua causa fuit?
Terra, immota aliàs, tremuit virtute potentis,
Ante Deum, quem tu fide Iacobe, colis.
Qui solidas petras mutans in stagna profunda,
Aspera saxa facit fundere fontis aquas.

PSALMVS CXV.

Non nobis, Domine, non nobis, &c.

GLoria non nobis, non nostris competit actis,
Sed tua, sancte Deus, nomina sola decet.
Ob tua quae gratis cumulare soles benefacta,
Obq; tuam indubiam perpetuamq; fidem.
Cur dicant gentes, simulacra prophana colentes,
Nunc Deus istorum Trinus & unus ubi est?
Ast Deus in caelis noster Deus omnia, solus
Quae vult quaeq; probat, perficit atq; creat.
Illorum ex auro constata idola vel aere,
Sunt opera artificum sic fabrefacta manu.

Ora